



WHAKAMĀRAMA TŪRANGA

TAITARA	Pouwhiringa - Maori Culture Lead
PŪRONGO KI	Hautū Whakapā – Communications Director
WĀHI	Tāmaki Makaurau, Aotearoa
PŪRONGO HĀNGAI	Kāore
TŪNGA	Wā ukiuki
TE RĀ	Ōketopa 2025

TE TAKENGA O TE WHAKAHAERE

He whakahaere motuhake, ohaoha hoki te New Zealand Olympic Committee (NZOC), e noho haepapa ana ki te tautoko me te tuku rauemi e eke panuku ai ngā kaipara o Aotearoa ki te ikeiketanga o ō rātou hākinakina, kia eke tangaroa hoki i ngā Taumāhekeheke o te Ao, ngā Taumāhekeheke Hoa Whenua me ngā Hākinakina Taiohi.

Ka whakanui, ka whakamana hoki te Komiti Orimipiki ā-Motu (IOC), me te Whetereihana o Ngā Taumāhekeheke Hoa Whenua i te NZOC hei rōpū māngai i Aotearoa, e noho haepapa nei ki te whiriwhiri me te whakarite i ngā kapa o Aotearoa ki ngā Taumāhekeheke o te Ao, Hoa Whenua, Taiohi hoki.

Matawhānui Ki te whakahihiri me te whakamana i te iwi o Aotearoa

Kaupapa Ki te whakarite i ngā kaipara me ngā kapa kia tū pakari ki te aroaro o
a te ao me te whakanui i te pānga o ngā Kaupapa Taumāhekeheke o te Ao, Hoa Whenua hoki ki Aotearoa.

Ka uaratiā te **Kairangi, Pono, Hautūtanga, Mana me te Whakaute**

KAUPAPA O TE TŪRANGA NEI

He pou hei whiri i nga kaupapa ki Te Whare o Pou Tangata

Ko te whāinga matua o te Pouwhiringa he āwhina i te NZOC i tana tūāoma o Te Ao Māori me te whanaketanga o Te Whare o Pou Tangata, tae atu ki te ahurea Manaaki puta noa i te whakahaere.

Ko tā te tūranga nei he whakawhanake kaupapa hei whakapiki i te mātau ahurea Māori, te māia, te marama me te raukaha hoki puta noa i ngā āhuatanga katoa o ngā mahi a NZOC. Ka noho koe hei kaitakawaeanga matua i waenga i ngā kaiwhakahaere me Te Urunga Tū (te Komiti Māori), ā, ka arahina, ka tautokona hoki e rātou.

NGĀ HAEPAPA MATUA

1. Te Whare o Pou Tangata me tō mātou ahurea Manaaki
 - Ko te pūtake o te mahi nei he tautoko i te tipuranga, te mārama, me te tāmau hoki i Te Whare o Pou Tangata me tō mātou ahurea o te Manaaki, puta noa i ngā kawenga katoa a NZOC, kia noho pūtake i roto i ngā whakahaerenga:
 - Whakahaeretanga - te whakahaere me te mana urungi
 - Ngā kapa hākinakina - ngā kaipara me ngā hākinakina
 - Te Waitohu me te taha Arumoni
 - Ngā Whakawhiti Kōrero, Take Tūmatanui, Matihiko hoki
 - Ngā hōtaka Mātauranga, whakareretanga hoki
2. Te whakapiki i te mātau āhurea, te māia, te mārama me te raukaha Māori
 - Me pāuaua ki te whakawhanake kaupapa ka whakapiki i te mārama, te mātau, te raukaha hoki o NZOC ki Te Ao Māori, Te Reo me te Mātauranga Māori.
 - He āwhina, he ārahi hoki i ngā kaimahi a NZOC i roto i ngā momo āhuatanga me ngā tikanga o te ahurea Māori.
 - He whakawhanake me te whakatinana i tētahi rautaki whanaketanga raukaha, mātau ahurea hoki mā NZOC, ka whakarite, ka whakamana hoki i ngā kaimahi a NZOC kia riro te mana i rātou anō ki te whakawhanake i tō rātou ake taha ahurea.
3. Te Urunga Tū
 - He mahitahi ki te Kāhui Hautū Matua o NZOC, ki te whakarite i te pakari o te hononga i waenga i a Te Urunga Tū me te Poari o NZOC me ngā Mana whakahaere.
 - Kia tū hei kaiārahi nā NZOC e whakahaere ana i ngā hononga o NZOC ki Te Urunga Tū.
 - Mā te āwhina a te Tumu Whakarae, ka tautoko i ngā Mema me te Ringatohu Whakawhiti Kōrero ki te whakarite i ngā rārangi take, ngā whakaritenga me ngā mahi mō ia hui.
4. Ngā Iwi, me ngā whakahaere Māori hoki
 - He tūhono, he poipoi hoki i ngā hononga a NZOC ki ngā Iwi me ngā whakahaere Māori.
 - He tuitui i ngā hononga whaihua ki ngā taha e rua, ka kōkiri i ngā mahi a NZOC me āna kaipara, otirā me tana tūhonohono me te motuhenga.
 - He whakangungu i ngā kaimahi a NZOC ki ngā hononga ā-Iwi, ā-Hapū hoki, me ngā tikanga me te kawa.
5. Wā Taumāhekeheke: Ahurea ā-Kapa, Ngā Kawa Whakahaere Kapa me ngā Wheako o ngā Kaipara
 - Ka mahi tahi ki ngā Kāhui Hautū Kapa o NZOC, ngā Manukura, te Kaiārahi Kaipara me Te Urunga Tū ki te whakaū i te ārahitanga o te Kapa Manaaki e Te Whare o Pou Tangata
 - Ka mahi tahi ki te Kaiārahi Kaipara ki te whakamārama kia whai wāhi hoki ngā kaipara me ngā mema kapa ki Te Whare o Pou Tangata me te Kapa Manaaki

- Ka mahi tahi ki te Kāhui Hautū Matua o NZOC me Te Urunga Tū ki te whakatau i te hiahia ki tētahi Rōpū Tautoko i te wā o ngā Taumāhekeheke, otirā me te whakawhanake me te tautoko i taua rōpū
- He whakarite i ngā tikanga ā-kapa e poua ana ki te ahurea motuhenga o Aotearoa, otirā he tikanga kauawhi, ka tautoko i te taiao ekenga kairangi
- He whakahou i te Puka Tikanga mō ngā Taumāhekeheke

6. Te whakarangatira i Te Whare o Pou Tangata

- He whakatairanga i ngā arawātea ki te whakanui me te whakaatu i tō tātou tuakiri ahurei o Aotearoa me Te Whare o Pou Tangata, mā te tirohanga a te Māori
- He āwhina i ngā whakaritenga whakawhti kōrero me te kawē i te rongo, e rangona, e kitea ai te wairua Māori.

7. Ngā Whakahaere Ahumoni, Kaupapa hoki

- He tautoko i te whanaketanga, te aruarutanga, te tohanga o ngā pūtea mō ngā kaupapa.
- He mana tuku ki te whakamana i ngā momo hokonga me ngā whakapaunga kua whakatauhia e te Ringatoi Whakawhiti Kōrero.
- He whakahaere he tautoko rānei i ngā kaupapa me ngā mahi kua whakaaetia e NZOC, arā, ngā huihuinga, ngā wānanga, ngā hōtaka rānei.

8. Te Hauora me te Haumaru

He haepapa tō ngā kaimahi katoa a NZOC ki te pupuru i tētahi taiao mahi haumaru, hauora hoki mā ngā hoa mahi me ngā manuhiri, tae atu ki ngā kaikirimana. Ka tutuki tēnei mā:

- Te whakatinana me te akiaki i ngā tikanga mahi haumaru, te whakamahi tika hoki i ngā rauemi.
- Te whai i ngā tikanga whaitake, hāngai hoki ki te whakaiti, te whakakore rānei i te mōrearea o te tūkinō me te wharanga ki ētahi atu.
- Te pūrongo i ngā pūmate me ngā maiki wāhi mahi ki te tangata tika.
- Te ū me te whakatinana i ngā kaupapahere me ngā tukanga a Te Whare o Pou Tangata i te wā tika, ā, kia tika hoki.

NGĀ HONONGA MATUA

Ko te tikanga me pāuaua Te Pouwhiringa ki te whakatipu i ngā hononga mahi angitu puta noa i ngā mahi a te NZOC, me whai wāhi hoki ki tē hanga taiao angitu, ngaio hoki e whakaata ana i ngā mahi me te wairua o NZOC.

Rāroto

- Ngā kaihautū me ngā kaimahi NZOC
- Te Urunga Tū
- Ngā Manukura

- Ngā Kāhui Hautū Kapa
- Ngā Kāhui Tautoko
- Te Poari me ngā Kōmihana NZOC

Rāwaho

- Ngā Kaipara me ngā Tira
- Ngā Iwi, Hapū me ngā whakahaere Māori
- Ngā Whakahaere Hākinakina ā-Motu
- High Performance Sport New Zealand
- Ngā Komiti Whakarite Taumāhekeheke
- Te Whatunga Hautū Kaipara

NGĀ PŪMANAWA O TE TANGATA

Ngā tino pūkenga me ngā wheako –

- He mōhio ki te whakamārama i te tikanga me te kawa, otirā he matatau ki te taha Māori.
- He mātau ki Te reo Māori.
- He tino mātau ki te ārahi me te whakapiki i te mātau ahurea o ētahi atu ki te ako, me te tāmau i ngā akoranga me ngā tikanga ahurea hou e hāngai ana ki Te Whare o Pou Tangata.
- He kōmārohi ki te ārahi pū i te taha ahurea ahakoa he rerekē pea ngā whakaaro me ngā wheako o ētahi atu.
- He mārama ki te whakapapa, he nui ōna hononga whakapapa hoki, he rōpū taituarā tōna, otirā he kanobi kitea i roto i ōna iwi me ōna Hapū.
- He mārama ki Te Tiriti o Waitangi, āna ātikara me ngā mātāpono: rangapūtanga, whai wāhitanga, me te whakamarutanga.
- He kounga ngā pūkenga Whakawhiti kōrero.
- Me matatau, he tautōhito ki te whakatō i te wairua whakaaro kotahi, he tautōhito ki te ārahi i te whanaketanga me te whakatinanatanga o ngā kaupapa me ngā rautaki raranga tira mai i te tirohanga Māori.
- He tautōhito ki te whanake me te kawē rautaki e tipu ai e whanake ai ētahi atu i roto i te ao Māori.
- Kua whakaatu i ngā wheako whakahaere kaupapa kia tutuki i te wā tika, me te ū ki te mahere pūtea.
- He tautōhito ki te whiriwhiri i ngā take me ngā āhuetanga tuatini ka tūpono hurihuri, engari ka tutuki tonu ngā hua.
- Kua kitea noatia tana taha auaha, whakaaro pāuaua ki te kawē i te rautaki.

Application date due: 27th October 2025

Applications to alex@olympic.org.nz